

黑龍江志稿卷十一

經政志

氏族

關以內爲漢族漠南北爲蒙族夫人而知之若黑水則種族繁矣隋唐之際靺鞨七部黑水白山同出肅慎而南北異柵遼之先八部其後析爲二十部達呼爾索倫同承遙輦而親疏異屬蒙古遺裔分處漠南北而巴爾虎初爲姻婭額魯特則其廝養部同族異而貴賤異種有清龍興編旗設佐分滿洲蒙古漢軍八旗皆稱旗人然原有土著皆各保其先世之語言風俗迄于今不變且不相通非僅殊絕于漢卽與陳滿洲女真舊族同者十一不同者十九至漢人最初至厥爲漢軍皆山東產此外曰水師營曰站丁曰屯

黑龍江志稿

卷十一 經政 氏族

一

丁曰回回是皆漢人商賈初多山西人農戶多直魯人道咸以後弛禁招墾公有其地于民於是內地南北之產雲集輻輳天若留此沃腴幅員以濟內地人滿之患也全部觀之漢人爲多滿蒙次之索倫諸族日見其少且漸轉入于俄矣今分列如下

索倫 本遼之後裔散處山谷挽強命中洞兕虎跡禽獸雄于諸部惜勢散而力不厚故爲清所踣次第臣屬世祖定鼎以後四征不庭棲威絕域索倫之名海內所以稱勁旅也其著姓有多拉爾氏都拉爾氏敖拉氏墨爾迪勒氏布喇穆氏多居布特哈呼倫貝爾而齊齊哈爾等三城較少亦有流寓俄羅斯者其國謂之喀穆尼漢又謂之通古斯蓋羅刹作亂劫去者西清黑龍江外紀云數十年前嘗有願歸故土之請今不聞矣

達呼爾 一作達呼里又訛爲打虎兒契丹貴族遼亡徙黑龍江北境與索倫部雜居于精奇里江江水黃合于黑水流數百里不混兩部打牲所至直至呼蘭青黑二山別部不能爭也康熙二十八年編入八旗分駐愛琿墨爾根卜奎三城占兵額全數之半多以武功顯視索倫過之乾隆初有移駐呼蘭及流寓呼倫貝爾者其著姓有精奇里氏克音氏郭貝爾氏即郭博勒氏扎拉爾敖拉氏墨爾迪氏俄嫩氏倭勒氏其居呼蘭者有多爾托爾氏餘皆繫漢姓有吳金何張陶白邵富八姓

鄂倫春 一作俄倫春又訛爲俄樂春元時稱爲林木中百姓清初謂爲樹中人其在鄂倫春之東部者又呼爲使鹿部其在鄂倫春上流西部者又呼爲使馬部其在黑龍江下游之鄂倫春

黑龍江志稿

卷十一 經政 民族

二

又呼爲使犬部其衆夾精奇尼江源以居故方式濟氏謂黑龍江以北精奇尼江源以南爲虞人鄂倫春地後稍徙嫩江隸布特哈旗充官兵者曰摩凌阿鄂倫春弋獵山藪僅供納貂役者曰雅發罕鄂倫春有布特哈官五員分治三歲一易號曰諸達歲以徵貂至其境其人先期畢集奉命惟謹過此則深居遠竄不可蹤跡矣更有居鄂倫春東鄰即黑龍江上游至精奇里一帶之瑪涅克爾人居黑龍江下流及松花江沿岸之滿琿人因與鄂倫春種族語言相似亦有稱爲鄂倫春者鄂倫春著姓有都拉氏博勒濟爾格氏清同治初年吉林馬賊勾合挖金礦之匪人四出猖獗將軍富明阿奏調布特哈鄂倫春兵五百一戰而定民國以來俄人覬覦興安嶺中林礦而懼鄂倫春人乃遣其國最勇之

哥薩克兵一千人來勦襲之不半年死八百人俄人乃深驚鄂倫春之雄強焉光緒二十二年黑龍江將軍奏請收籠鄂倫春人分歸愛琿墨爾根布特哈呼倫貝爾四城管理璦琿分上下二路墨爾根布特哈呼倫貝爾各爲一路每路專設協領一員以資收集相沿既久有名無實鄂倫春不知管理爲何人管理者亦不問鄂倫春之行動此族窮守荒山以皮易物所需食用概恃俄商供給因亦受俄人管理今之入俄籍者已不少矣

錫伯 打牲部落本鮮卑遺種屬科爾沁獻之編入八旗分駐齊齊哈爾伯都訥兩城乾隆間遷于呼蘭分居邵家各窩堡本氏無考漢姓有關富何三姓言語衣服與達呼爾同

卦勒察 亦曰瓜爾察打牲部落屬科爾沁蒙古清康熙二十八

黑龍江志稿

卷十一 經政 氏族

三

年科爾沁獻之編入八旗分駐齊齊哈爾伯都訥兩城雍正十三年由伯都訥捕珠隊內移一百八十名駐呼蘭析居藍旗各屯有烏札拉氏吳姓餘無考又有胡白原趙金富吳關諸姓語言仍本俗兼通漢蒙語

巴爾虎 本地名因以名其族又作巴爾呼巴爾忽卽元秘史巴爾忽眞也外蒙喀爾喀之屬部以成邊關入俄境清康熙時征俄遂自俄境來歸編入八旗附打牲部之後先後駐防黑龍江齊齊哈爾各城此族昔在木蘭圍場游牧後遷至興安嶺北迤東一帶雍正十年由布特哈遷駐呼倫兵數爲二百七十名編制索倫八旗以內旗今分以二冬日沿海拉爾河上游夏則沿海拉爾下游逐水草而居此族人性情與索倫相近而言語稍異俗

不敬喇嘛子弟多在呼倫城習漢文者此爲陳巴爾虎又有新巴爾虎昔在外興安嶺北麓游牧嘉慶間漸向南徙遂成部落因其語言與陳巴爾虎相通故名巴爾虎新編入旗故曰新巴爾虎遷駐呼倫者在雍正十二年由外蒙車臣漢移來官兵二千四百八十四員名編爲八旗在伊敏河兩岸游牧俗敬喇嘛託命於佛與陳巴爾虎相水火云其姓氏可考者陳巴爾虎則有呼爾拉特氏齊布齊諾特氏烏里雅特氏鄂里木蘇氏李佳氏胡佳氏富察氏新巴爾虎則有哈勒斌氏葉克忠氏永舍布氏奎車里克氏康錦氏

畢拉爾 一作布萊雅新巴爾虎之分支也清初住札喀蘇城舊凡二十四旗今已有十三旗隸俄籍矣俄人謂爲阿白拉子昔

黑龍江志稿

卷十一 經政 氏族

四

在俄沿邊路爾奇答河兩岸游牧咸豐間俄人伸足東亞此族被逼不欲從俄者遂東遷呼倫湖左近今所餘各旗已漸有北倚之勢其著姓有默訥赫爾氏有都訥亨氏

額魯特 一作鄂勒特又作厄魯特蒙古游牧部落其先元之牧奴也明清間盛強號稱四部居黑龍江者爲額魯特族之準噶爾人乾隆二十年準噶爾台吉巴桑投誠附打牲部落之後遷駐呼裕爾河流域及呼倫貝爾其居呼蘭者則於雍正十年由阿爾泰移來其著姓有伊克明安氏漢姓有胡金邵三姓衣服言語與蒙古同

他賁 蒙古之一種也乾隆元年遷他賁二十一戶於呼蘭析居城南恒積倉左右本氏無考漢姓有何吳火三姓語言衣服與

蒙古同

兀良哈 今稱爲烏梁海打牲部落人總名有居阿爾泰山者有居唐努山者有居黑龍江南北者而居俄屬西伯利亞者尤多此兀良哈蓋居黑龍江南嫩江等處之一部後遂蔓延東北邊外

扎薩克圖 哈薩克之分支也在呼倫湖西南一帶有打牲者有游牧者言語自成一種與他蒙古不通訥爾古納河以北均隸俄籍南則猶屬中國其從俄之喇嘛時至呼倫尙稱中國爲佛國云

滿洲 乃完顏氏部屬而爲女貞靺鞨之後裔與渤海及金爲種族舊國在吉林甯古塔其來黑龍江者始於清康熙二十二年

黑龍江志稿

卷十一 經政 氏族

五

由甯古塔調來征討羅刹編爲八旗十六佐共一千六百六十三戶共七千五百九十三丁口羅刹既定分駐齊齊哈爾黑龍江呼蘭三城有佛伊徹之分國語舊曰佛新曰伊徹又所謂庫雅喇滿洲瓜勒察滿洲者以地名皆伊徹滿洲也約計八旗佛滿洲不過什一而族望素著者有瓜爾佳氏舒穆魯氏

按黑省遷之入

滿洲皆舊滿洲所編入旗籍謂新滿洲者指土著如達呼爾索倫等編入旗籍者而言非另有新滿洲也

蒙古 元裔也江省有三旗一扎賚特旗一杜爾伯特旗一郭爾羅斯後旗均同種同族又有伊克明安旗由額魯特徙牧本氏無考漢姓有朱吳孟白各姓語言文字衣服皆本俗

呼爾喀 亦作虎爾喀庫爾喀或作諾雷部俄人稱之爲阿其決人或稱之爲那篤奇斯人與居於朝鮮國境附近之瓦爾喀人

不同其部族居于松花烏蘇里黑龍三江匯流之處博和哩諾爾喝勒都里達蘇大小噶里達蘇綽庫禪能吉勒赫哲喀喇諸屯皆別出於呼爾喀之屯寨也

費牙喀 亦作費雅喀飛牙喀裴牙喀散居黑龍江口俄屬尼古拉夫斯科附近更及樺太島之間其人自呼爲尼古奔在俄穆爾省者其音爲邦貨克在樺太島西岸則爲那害克

奇勒爾 類生番以打牲爲業住內興安嶺山中居無室隨牲轉徙打牲外尤善捕魚衣服冬著鹿皮夏著染色之答抹哈魚皮故又名魚皮韃子

庫野 卽樺太島之阿伊奴人與日本北海道蝦夷爲同種庫野一作庫頁

黑龍江志稿

卷十一 經政 氏族

六

恰克拉 居琿春東沿海及富沁岳色等河之濱與奇勒種人最相近言語發音亦差同

七姓 在三姓西二百餘里烏扎拉洪科等處其族雖事耕墾然以漁獵爲專業

赫哲 與七姓所居接近性習强悍迷信鬼怪

漢軍 多山東產隨孔有德來降編入八旗初駐防墨爾根後分駐齊齊哈爾呼蘭等處其鉅族有崔王周梁田果宛井各姓

水師營 皆吉林之遷移人及平定三藩之漢軍也順治十八年編入吉林水師營從征雅克薩有功遂移營齊齊哈爾雍正十三年復移四十四人于呼蘭有楚陳王吳羅李曹楊苗劉閻聶諸姓

站丁 皆雲南產以吳三桂叛故謫充山海關外旋由關外各站調撥來江乾隆元年展放茂興呼蘭六站更由齊齊哈爾分撥各城今開放爲民籍

屯丁 亦曰官莊人多遼瀋一帶居民所謂開戶人也康熙間兵行絕域糧道不繼由京派已革尙書察胡等招民開墾遂屯居焉亦有近年出征官兵由營帶來各省民戶續入者又有官宅奴婢有功主人居三世以上准入官屯充丁者其最後至者爲墾民不復隸籍咸豐間中原雲擾難民避地出關疆吏因籍而賦之氏族衆矣其罕見者有戰樸闖創拱朴管唱揣劍遼諸姓朴音飄高麗種族北京朝鮮皆有之

回回 回民本回紇遺裔回紇助唐平安史之亂始有留居中國

黑龍江志稿

卷十一 經政 氏族

七

者初在陝甘境後乃東漸江省各城皆有之本氏無考

漢人 清道咸間放荒許人民開墾各省來者山東山西直隸三省爲多齊齊哈爾城外多散居東荒一帶今則無處不有矣

附載姓氏考

索倫姓氏

多拉爾氏 達呼爾亦有此姓

都拉爾氏 或作杜拉爾氏達呼爾及滿洲均有此姓清初居吉

林烏喇等地方疑卽多拉爾之音轉惟黑龍江人謂係兩姓

都佳氏 世居輝發及索倫地方

多爾托爾氏 疑卽多拉爾之音轉

圖勒理氏 世居索倫地方

圖克塔拉氏 世居索倫地方

阿拉爾氏 舊作按刺阿刺滿洲語平矮山也滿洲有阿爾拉氏

世居黑龍江地方疑卽此姓

黑龍江志稿

卷十一 經政 氏族

八

阿魯氏 世居索倫地方疑卽阿拉爾之音轉

阿拉邊前氏 世居索倫地方

敖拉氏 或作鄂拉氏達呼爾亦有此姓

墨爾迪勒氏 世居黑龍江鄂奇村等地方疑卽莫爾哲喀之音

轉

穆盧氏 世居索倫地方

納哈塔氏 或作那哈塔舊作納合金白號姓封廣平郡滿洲有

此姓清初世居郭洛羅溝地方

博都理氏 世居索倫地方

布喇穆氏

烏札氏

馬察氏 世居賽音及索倫地方

瑪爾吉氏

羅察氏 世居索倫地方

羅佳氏 滿洲有此姓世居西克屯及哈達地方

朱爾克氏 世居索倫地方

珠爾根氏 世居索倫及黑龍江地方

楞布爾勤氏 世居索倫地方

喀爾佳氏 世居索倫地方疑卽郭佳瓜爾佳之音轉

薩穆布爾氏 世居索倫地方

呼蘭地方之鎖胡白各姓本氏失考

達呼爾姓氏

黑龍江志稿

卷十一 經政 氏族

九

達呼爾氏 世居烏呼里地方

郭博勒氏 按郭博勒本黑龍江右岸屯名近多冠郭姓

精奇理氏 清初居黑龍江地方江左岸有精奇里江譯言黃也

俄語譯稱結雅河已爾達齊一支居多科屯

敖拉氏 或作鄂拉清初世居烏喇及黑龍江地方今呼倫地方

冠敖姓別地亦有姓鄂者

倭勒氏 清初散處齊齊哈爾地方亦有居布特哈賽米爾莫勒

村者今多冠吳姓

鄂嫩氏 或作俄嫩鄂諾幹難阿難兀難蒙古語幹難牡黃羊也

黑龍江舊稱幹難河今多冠鄂姓

莫爾迪音氏 清初世居黑龍江地方今多冠莫姓呼倫呼蘭地

方則姓孟

墨爾迪氏 疑卽莫爾迪音之音轉

墨爾丹氏 清初世居黑龍江地方疑卽莫爾迪音之音轉

墨爾哲喀氏 或作莫爾哲喀滿洲有此姓似非達呼爾或卽莫爾迪音之音轉今多冠莫孟姓

阿爾丹氏 疑卽莫爾迪音之音轉

蘇都禮氏 或作蘇都爾索多理索多爾清初散居黑龍江等地方今多冠蘇姓亦有姓索者

德敦氏 滿洲語站也清初世居黑龍江地方今多冠杜姓亦有姓鄧者

德都爾氏 或作德篤勒本黑龍江屯名今多冠杜姓

黑龍江志稿

卷十一 經政 氏族

十

圖克敦氏 卽德敦音之轉世居達呼里地方滿洲有圖克坦氏居吉林烏喇等地方疑卽此

克音氏 或作克因本黑龍江屯名今多冠秦姓

額蘇里氏 本黑龍江地名

扎拉爾氏 舊作札刺兒札刺伊兒系出蒙古元太師王木華黎之裔清初居兀魯特及察哈爾地方又滿洲有扎拉理氏清初居瓦爾喀等地方又有扎拉氏世居葉赫輝發等地方疑卽此多拉爾氏 索倫有此姓清初居黑龍江地方金都烈氏姓強疑卽此

瓜爾佳氏 或作郭佳本滿洲姓清史阿彌泰列傳云爲達呼爾郭佳氏黑水先民傳作爪爾佳氏

呼爾拉特氏 或作胡爾拉特按巴爾虎亦有此姓今多冠姓胡

尼爾吉氏

布庫爾氏

呼蘭地方之吳金何張陶白邵富各姓本氏待考

鄂倫春姓氏

都拉爾氏 索倫亦有此姓

博勒濟爾格氏

錫伯姓氏

呼蘭屬之關富何三姓原氏待考

卦勒察姓氏

烏扎拉氏 呼蘭地方冠吳姓

黑龍江志稿

卷十一 經政 氏族

十一

鄂濟理氏 世居卦爾察地方

卦勒察氏 呼蘭地方冠關姓

扎蘇理氏 世居卦爾察及伯都訥地方

錫克德氏 世居卦爾察地方

錫克特里氏 世居卦爾察地方疑卽錫克德氏呼蘭地方冠西

姓

密扎氏 世居卦爾察地方

瞻楚渾氏 世居卦爾察地方

呼蘭屬之胡白原趙金富吳關各姓本氏待考

舊巴爾虎姓氏

齊普欽努特氏 或作齊布齊諾特新巴爾虎亦有此姓今多冠

齊姓

鄂里木蘇氏

富察氏 滿洲有此姓

呼爾拉特氏 達呼爾有此姓

烏里雅特氏

李佳氏 清初世居扎魯特土默特地方

胡佳氏

新巴爾虎姓氏

哈勒斌氏 或作哈勒林疑卽哈爾濱之音轉

齊普欽努特氏 或作齊布齊諾特氏世居巴爾古地方舊巴爾

虎亦有此姓今多冠齊姓

黑龍江志稿

卷十一 經政 氏族

十二

葉克忠氏

永舍布氏

奎車里克氏

康錦氏

戴卜羅氏 今多冠戴姓

戴佳氏 滿洲亦有此姓

畢喇爾姓氏

默訥赫爾氏

都訥亨氏

額魯特姓氏

伊克明安氏

呼蘭屬之胡金邵三姓本氏無考

他賁姓氏

呼蘭屬之何吳火三姓本氏無考

滿洲姓氏

按通譜所載姓氏但分旗佐不繫所屬部族名稱故辨別至難是篇所錄其已確知所屬者概行分載于各部失考者則仍附列于滿洲姓氏之內以待將來訂正滿洲姓氏較多職是故也

瓜爾佳氏 瓜爾佳本係地名或作瓜勒佳關爾佳郭佳清初此

氏散處葉赫訥殷哈達烏喇安楮拉庫蜚攸城瓦爾喀嘉木湖

尼馬察輝發長白山郭洛羅河省即今吉林蘇完一作蘇瓦延本河名滿

黑龍江志稿

卷十一 經政 氏族

十三

省語濁流也黃也一轉再轉而為雙陽今吉林等處今多冠關姓

亦有姓高顧胡汪郭者蘇完地方姓蘇葉赫地方姓葉亦姓關

石廷柱之後姓石車克曾之後賜姓覺羅黑龍江地方多冠姓

果呼蘭地方則姓常

鈕祜祿氏 舊作女古烈女石烈清初居長白山英額等地方今

多冠鈕姓京兆奉天及呼蘭地方亦有姓郎者

舒穆祿氏 一作舒穆魯舒魯滿語珊瑚也清初居庫爾哈琿春

朱舍里等地方今多冠舒姓呼蘭地方則姓方

舒佳氏 世居黑龍江法喀堡子地方

舒克都理氏 世居黑龍江地方

顏札氏 舊作延札顏蓋清初居雅蘭西楞葉赫等地方今多冠

顏姓

賽米勒氏 舊作賽蒲里賽密喀清初居薩哈爾察等地方今多冠米姓

博和里氏 舊作剖阿里蒲古里窠訛里遼五國部有博和里國舊作剖阿里地在今俄屬沿海州伯力附近清初居黑龍江等地方又有博都里氏舊作婆都魯不求魯清初世居索倫地方疑均博和里音轉

伊爾根覺羅氏 伊爾根譯言民覺羅譯言後謂平民之姓覺羅者傳爲宋徽欽之後清初居瓦爾喀松花江阿庫里佛阿拉哈達等地方多冠趙姓呼蘭地方則姓公

伊克得里氏 清初隸黑龍江岸尼瑪察部星古禮遷札魯改姓黑龍江志稿 卷十一 經政 氏族 十四 輝發納喇氏

薩克達氏 薩克達本係地名舊作散達火挖撻撒答散虎達滿洲語老也清初居薩克達甯古塔等地方今多冠蒼姓亦有姓薩者

董鄂氏 董鄂本地名或作棟鄂舊作董阿董哀舊部在今奉天寬甸縣嘯亭雜錄載董鄂治亭制府考其宗譜其先爲宋英宗越王之裔後爲金人所遷居董鄂以地爲氏今多冠董姓亦有姓唐鄂趙成者

富察氏 富察本係地名舊作蒲察清初居沙濟葉赫額宜胡札庫塔蜚攸城訥殷額赫庫倫訥殷江吉林烏喇長白山等地方今多冠傅姓亦有姓富石譚李馬者沙濟地方則姓沙呼蘭地

方則姓馬

赫舍里氏 赫舍里本係河名或作和舍里舊作紇石烈乞石烈
清初居都英額和多穆哈連齊谷哈達葉赫輝發等地方今多
冠何姓亦有姓賀赫者

赫葉氏 一作赫宜散處舒勒赫等地方

和和濟氏 世居尼馬察地方

黑赫穆氏 世居黑龍江地方

霍託羅氏

霍羅氏 疑卽霍託羅之音轉

鄂諾氏 疑卽俄嫩臥諾之音轉達呼爾人有此姓似非滿洲今

多鄂姓

黑龍江志稿

卷十一 經政 氏族

十五

鄂濟氏 滿洲語鄂濟森林也清初居葉赫等地方

鄂謨拖氏 世居尼馬察地方

敖拉托欣氏 世居黑龍江地方

瓦理氏 世居黑龍江地方疑卽敖拉氏

格濟勒氏 或作葛佳喇葛哲勒葛濟勒清初散處長白山雅蘭

綏芬等地方呼蘭地方冠姓葛

格何恩氏 黑龍江有郭渾氏世居黑龍江地方疑卽此

格哲氏

格格氏 世居黑龍江地方

格爾齊氏 世居尼馬察地方

郭渾氏 世居黑龍江地方

耿音氏 世居黑龍江地方

托活洛氏 一作托闊羅托洛羅世居黑龍江等地方疑卽達呼爾之音轉

托和爾秦氏 世居齊齊哈爾地方

托爾佳氏 世居齊齊哈爾地方

圖色理氏 世居黑龍江懋塔哈村等地方

圖爾塔拉氏 世居黑龍江地方

圖爾敦氏 世居墨爾根地方

莫爾濟勒氏 或作莫勒哲略今多冠莫姓

莫勒特氏 疑卽莫勒哲略之音轉

莫哲勒氏 疑卽莫勒哲略之音轉清初居松花江地方今呼蘭

黑龍江志稿

卷十一 經政 氏族

十六

地方冠姓孟

莫爾達札氏

墨克廷氏 世居黑龍江地方

木克得立氏 呼蘭地方冠姓富

穆雅氏 世居齊齊哈爾地方

烏蘇里氏 或作烏蘇拉烏色里本黑龍江河名清初居德爾吉色欽等地方

烏扎拉氏 或作烏扎喇舊作兀扎喇清初居烏喇薩哈爾察黑龍江等地方其系出蒙古者則世居察哈爾地方卦勒察人亦有此姓呼蘭地方冠姓吳

烏林答氏 一作烏凌阿滿洲語司庫也又作烏爾答清初居巴

林葉赫地方

烏扎庫氏 一作吳扎庫清初居噶哈里等地方今呼蘭地方冠姓阿

烏顏齊氏 世居烏喇達呼里村地方

烏禮蘇氏 世居齊齊哈爾地方

烏爾瑚齊氏 世居松花江及烏蘇里地方

吳聶齊氏 世居黑龍江地方

武庫登吉氏 世居齊齊哈爾地方

吳庫理氏 世居黑龍江地方

瑚錫喀氏 世居黑龍江地方

瑚圖理氏 世居黑龍江地方

黑龍江志稿

卷十一 經政 氏族

十七

札庫塔氏 世居瓦爾喀地方今呼蘭地方冠姓包

札那爾氏 呼蘭地方冠姓白

札哈嗎氏 世居尼馬察地方

札穆秦氏 世居黑龍江地方

札克塔氏 世居黑龍江地方

卓起氏 世居黑龍江及界凡地方

哲爾齊氏 世居尼馬察及吉林烏喇地方

專塔氏 世居尼馬察地方

準齊氏 世居黑龍江地方

塔穆察氏 世居黑龍江地方

塔塔喇氏 一作他塔喇舊作脫脫義脫脫憐蒙古語潮消也清